



Pele Broberg
Inatsisartunut Ilaasortaq, Partii Naleraq

§ 37 naapertorlugu apeqqutip akineqarnera, 027/2019 – KNR tamanillu sullissinissaq pillugu isumaqatigiissut pillugit

30-01-2019
Suliap normua. 2019 - 1262
Allakkat nr. 9818762

Asasara Pele Broberg,

Postboks 1029
3900 Nuuk
Oqarsasuaat: +299 34 50
00
Email: ikin@nanoq.gl
www.nanoq.gl

Apeqqutinnut qujanaq, taanna Inatsisartut nalinginnaasumik aqutsinermi ileqqoreqqusaat naapertorlugu apeqquteqaatigivat. Tulliuttumi akissavara.

Apeqqut 1: Qaagu KNR-ip paasissutissat kingullit ilanngullugit naatsorsuutigaa aammalu naamassissallugu tusagassiisarnermi inuiaqatigiinnut kiffartuussinissamik isumaqa-tigiissut?

Akissut: Tamanik sullissinissaq pillugu isumaqatigiissummut isumaqatiginninniarnert 2019-imi qaammatit pingasut siullit qaangiutsinnagit naamassineqarnissaat naatsorsuutigineqarpoq.

Apeqqut 2: Tamatumunnga periarfissap ilaginerpaa KNR nutaamik tusagassiisarnermi inuiaqatigiinnut kiffartuussinissamik suliariumannittussarsiuunneqassasoq

Akissut: Naamik. KNR Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq naapertorlugu tamanut sullissinissamut pisussaaffeqarpoq, taakkulu inatsimmi §§ 20-26-mi aalajangersarneqarput. Taamaalillutik Naalakkersuisut KNR-ilu Radiukkut tv-kkullu aallakaatitsisarneq pillugu Inatsisartut Inatsisaanni § 28 naapertorlugu angusassat pillugit isumaqatigiissuteqarnissamut pisussaaffeqarput, taakkulu tamanut sullissinissaq pillugu taakkunungalugu pissutsit suli itinerusumik nassuiarneqarput. Tassunga atatillugu KNR tamanut sullissisusattat taarserneqassappat KNR-ip siunertaa pillugu aalajangersakkat allanngortinneqartariaqassapputtaaq, pingaartumik inatsimmi § 20, imm. 1-imiittut

Apeqqut 3: Naalakkersuisuniik kissaatigineqarnerluni maannamut sulisaatsip akerlianik Inatsisartut ataatsimiittarfianik radio-kkut aallakaatitsisarnerup isumaqatigiissutip nutarsarneqarnissaa?

Akissut: Naalakkersuisut angusassat pillugit isumaqatigiissut aqutugalugu KNR peqqusinnaanngilaat Inatsisartullu ataatsimiittarfianit radiukkut aallakaatitsinerit qulakkeersinnaanngilaat. KNR tassaavoq pisortatigut suliffeqarfik Radiukkut tv-kkullu

aallakaatitsisarneq pillugu Inatsisartut Inatsisaat nr. 7, 8. juni 2014-imeersoq naapertorlugu Naalakkersuisut nalinginnaasumik ilitersuisinnaatitaanerata avataatigut namminersortoq. Massumunnga atatillugu sammineqartoq KNR-ip suliffeqarfittut ingerlatsineranut tunngavinnut saatinneqassaaq. Oqaatigineqareersutut KNR tassaavoq pisortatigut suliffeqarfik namminersortuuvoq pingaarnertullu aallakaatitassiortarnermini Naalakkersuisunit Inatsisartunillu sunnerneqarsinnaannginnissaa qulakkeerneqarsimalluni. Tamassumunnga pissutaavoq kinaassusersiunngitsumik avataaniillu sunnerneqanngitsumik tusagassiorsinnaanissaq taamaaliornikkullu sammisassat nammineq aalajangerneqarsinnaapput nalunaarusiortoqarsinnaallunilu qitiusumit aqutsisut akulerutsinnagit.

Taakku saniisigut oqaatigineqassaaq angusassat pillugit isumaqatigiissut, nalinginnaasumik isumaqatigiissuteqartarnermut atatillugu, inatsisitigut pisussaaffiliinngimmat.

Apeqquut 4: Naalakkersuisuniik isumaliuutersuutigineqarnerluni inatsisit aamma peqqussutit suut allangortilersaarneqarnermut, KNR-p tusagassisarnermi inuiaqatigiit kiffartuunneqarneranni KNR-i ingerlatsiunnaassagaluarpat, nutaamillu suliariumannittussarsiuunneqarluni?

Akissut: Naalakkersuisut KNR tamanut sullissisussatut atorineqarunnaassappat inatsit nalunaarutillu suut allangortinneqassanersut eqqarsaatigisimangilaat. Kisianni naatsumik oqaatigalugu inatsit marluk nalunaarullu ataaseq allangortinneqartariaqassasut pineqarput; Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq, Aningaasanut Inatsit kiisalu Kalaallit Nunaata Radioata (KNR-ip) malittarisassai pillugit Namminersornerullutik Oqartussat nalunaarutaat nr. 17, 1. juli 2005-imeersoq (KNR).

Taamaakkaluartoq ilanngunneqarsinnaavoq tamanut sullissinissamut akisussaaffimmik allamut tunniussinermi inatsisitigut tunngavinnik allangortiterinerit saniisigut aallakaatitassiornissamut aallakaatitsinissamullu atortorissaarutunik atuilernissaaq pisariaqarmat. Tamanut sullissisussaannermut pisussaaffiit KNR-imit peerneqarpata, suliffeqarfiup sulisuinik ikilisaangaatsiortoqartariaqassaaq. Peqatigisaanillu suliffeqarfik sullissisussarsiornermi ajugaasimasup tamanut sullissisussaannermut pisussaaffiit naammassiniarlugit naammattunik amerlaqataanillu sulisussarsiortariaqassaaq, soorlu suliffeqarfik pineqartoq sullissisussaannerup piffissaa qaangiuppataq sullissisussarsiornermi suliffeqarfimmu allamut ajorsarpat aallakaatitassiornissamut aallakaatitsinissamullu sulisuni ikilisartariaqassagai.

Apeqquut 5: Internet-ikkut, TV-ikkut aamma Radio-kkut Inatsisartut ataatsimiinnerisa nalaanni aallakaatitsisarneq suliariumannittussarsiuunneqassagaluarpat qanoq tamanna aningaasartuutitigut akeqassanersoq naatsorsuutigineqarpa?

Akissut: Naalakkersuisut Inatsisartut ataatsimiinneri internetsikkut, TV-kkut raadiukullu aallakaatinnissaannut suut allat pisariaqassanersut ilisimangilaat.

Taamaakkaluartoq oqaatigineqarsinnaavoq Ilinniartitaanermut, Kultureqarnermut, Ilimatusarnermut Ilageeqarnermullu Naalakkersuisoqarfiusimasup upernaq 2017-imi misissorsimavaa inatsisartut ataatsimiittarfiannit toqqaannartumik aallakaatitsinissamut kissaatigineqartumut najukkani raadiukkut aallakaatitsiviit qanoq peqataarusutsiginersut. Taamanikkut eqqarsaatersuutit inatsimmi atuuttumi tunngaviit tunngavigalugit aaqjissuussinissamut tunngapput, taassumalu kingorna najukkani raadiukkut aallakaatitsiviit soqutiginnikkunik isumaqatigiissuteqarlutik killeqarfiisa iluini inatsisartut ataatsimiinnerinik aallakaatitsisarsinnaallutik. Akerlianilli raadiukkut TV-kullu piumaneqartut tunngavigalugit Inatsisartut ataatsimiinnerisa toqqaannartumik taamatut aallakaatinneqartarnissaannut teknikkikkut atortorissaarutit naammangitsut inerniliunneqarpoq.

Apeqquut 6: KNR-ip ingerlanneqarneranut aningaasartuutissat tamakkiisut, toqqaannartumik imaluunniit toqqaannangikkaluamik naatsorsuutigineqarpa 2019-mi aningaasartuutigineqarumaartussat qassiussarnerisut?

Akissut: 2019-imut Aningaasanut Inatsimmi tapiissutitut 67,9 mio. kr.-it immikkoortinneqarput, taassuma saniatigut KNR ingerlatsinermini pilerisaarutit, aningaasaliisoqarluni aallakaatitassiornerit allatullu ingerlatsinermigut isertitaqarluni aningaasalersuisinnaatinneqarpoq.

Ilinniartitaanermut, Kultureqarnermut Ilageeqarnermullu Naalakkersuisoqarfik KNR-ip 2019-imut missingersuutai pissarsiarisimavai, tasanilu takuneqarsinnaapput pilerisaarutinit allatullu ingerlatsinikkut 5,5 mio. kr.-it 2019-imi isertisassatut missingersuusiarineqarsimasut.

KNR 2019-imut missingersuusiamini aningaasartuutissai katillugit 75,4 mio. kr.-iupput, taamaammatt 2 mio. kr.-inik amigartuussaaq. Amigartoornermut pissutaavoq raadiumi teknikkikkut atortut nutaat 2019-ip qiteqqunnerani atulernissaat naatsorsuutigineqarmat. Amigartoorutit immikkut aningaasaliissutinit KNR-ip 2017-imi pisimasaanit akilerneqassapput.

Inussiarnersumik inuulluaqqusillunga



Ane Lone Bagger